

史氏宗譜引

余嘗仰觀乾象北辰爲中天之樞而三垣光曜旋
遶歸向譬猶君之尊而無敢不拱焉俯察墜理坤
維華夏之鎮而五嶽八表通峯接嶽爲祖之親而
無敢不本焉此君親一理而忠孝一道忘之者謂
之棄慢之者謂之褻無將之戒莫大於不忠五刑
之屬莫大於不孝爲人臣所當鞠躬盡瘁爲人後
所當慎終追遠而不可一毫或忘者也今閱史氏

譜牒上溯姓原之始下逮繼世之宗明昭穆以尙
祖也系所生以尙本也序長幼以尙齒也別像贊
以尙思也非大忠大孝而能之乎

時

皇宋建炎歲戊申之夏吉工部侍郎兼侍講楊時中
題